



13. juni 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1. Agguaqatigiisillugu aatsitassarsiorfinnit soorlu Lumina-tut ittunit paaasinnaanermut pisinnaatitsissummik pillit qinnuteqaataasa suliarineqartarneranut piffissaq qanoq siviutigisarpa?**
 - 1a. Piffissap atorineqartartup sivikillinissaanut Naalakkersuisut suliniutinik sunik pilersaaruteqarpat?**

- 2. Aatsitassarsiorfiit Luminatut ittut inissisimanerisa ilaatigut allaffissornikkut kigaatsumik ingerlaaseqarnerup aaqqiiviginissaanut Naalakkersuisut qanoq pilersaaruteqarpat?**

- 3. Aatsitassarsiornerup iluani angusaqarfiulluartutullu avammut oqaluttuanik pilersitsinissamut Naalakkersuisut suliniuteqartoqarnissaanut qanoq pilersaaruteqarpat?**
 - 3a. Suliffeqarfiit Luminatut ittut paaanissamut pisinnaatitsissummik peqartut Naalakkersuisut qanoq taperserniarpat?**

- 4. Aningaasaliisussat amerlanerit qammarsinnaarusullugit aningaasaliissuteqarnermi periarfissaasut pitsanngorsarnissaanut Naalakkersuisut qanoq iliuuseqarniarpat?**
 - 4a. Kalaallit Nunaanni inuiaqatigiinnut pissarsiaqaatigineqarnissaanut Naalakkersuisut qanoq qulakkeerinninniarpat?**
 - 4b. Pisinnaatitsissutit ingerlaatsillu naammassiuminarsarnissaat Naalakkersuisut qanoq qulakkeerniarpat?**

- 5. Luminap naleqarnerulersitsinngitsumik nunanut allanut ingerlatitseqqiisarneq pillugu, niuernissamut pisinnaatitsissutit, kiisalu pineqartunut suleqatigisanut nalittorsaaniarnerit pillugit ernummataanut tunngatillugu Naalakkersuisut sunik piviusunngorsaaniarpat?**



- 5a) Suliffeqarfiit niuernikkut periusissiaminnik suliffeqarfiup aningaasaqarnikkut soqutigisai Kalaallit Nunaatalu aningaasatigut soqutigisai innarlernagit ingerlatsisinnaanissaannut Naalakkersuisut qulakkeerinninissamut qanoq suleriaqqinniarpap?**
- 6. Sooq Luminap ullumikkumut suli pineqartunnut suleqatigisanut tuniniaasinnaanermut aammalu Kalaallit Nunaata avataani tunisassiat nalittorsartinneqaqqinnissaannut pisinnaatitsissummik pissarsisimanngila?**
- 6a. Qinnuteqaatinut taamak ittunut suliaqarnissamut piffissaliussa q suua?**
- 7. Suliffeqarfiit Luminatut ittut piiaanissamut pisinnaatitsissummik peqareersut Kalaallit Nunaanni iluatsilluartumik aningaasatigullu piujuaannartitsinikkut ingerlatsisinnaanissaannut tapersorneqarnissaat sukkanerusumillu qinnuteqaataannik suliarinnittoqarsinnaanissaa Naalakkersuisut qanoq qulakkeerniarpaat?**

(Inatsisartunut Ilaasortaq Kuno Fencker, Siumut)

Tungavilersuut:

Luminap Inuussutissarsiornermut- aamma Aatsitassarsiornermut Ataatsimiititaliamut maajip 30-iani saqqummiinermini Naalakkersuinikkut allaffissornermi kigaappallaamik ingerlaaserineqartut pillugit ernummatini ersersissimavai. Lumina Nunatta aningaasaqarneranut annertuumik tapertaasarpoq, suliffissanik, isertitanik kiisalu nunatta iluani aningaasanik kaaviiartitseqataalluni. Katillugit taarsigassarsiarisimasaat 576 mio. Kr.-iupput, pingaaruteqarporlu unamminartitaat pisortanit paasineqarlutik iliuuseqarfigineqarnissaat, suliffeqarfiup ingerlaannarnissaa iluatsitsinissaalu qulakkeerumallugu, minnerunngitsumillu Kalaallit Nunatsinni ataavartumik suliffissaqartitsisinnaassammata.

Kalaallit Nunaanni aatsitassarsiorfik tatigineqanngitsutut inissisimavoq, Luminallu tamanna annertuumik erloqinartorsiuutaasoq ersersippaa. Aningaasaliisussarsiorsinnaanerup pitsanngorsarneqarnissaanut iluatsittunillu oqaluttuanik pilersitsisinnaanissamut suliffeqarfiit piiaanissamut pisinnaatitsissutaateqareertut aallunnissaat pisariaqarpoq paasiniaaneq kisiat pinnagu. Aningaasaliisussarsiorsinnaanerup pitsanngorsaavigineratigut aningaasaleerusuttut amerlanerusut qammarneqarsinnaapput, tamannalu Kalaallit Nunatsinni aningaasaqarnikkut inerisaanerumut ineriartortitsinermullu pisariaqarpoq, taassumalu saniatigut Kalaallit Nunaat suleriutsinut naapertuilluanngitsunut imminut illersortariaqarluni.



Lumina Kalaallit Nunaata avataani suleqatinut soqutigisalinnut niuernissamut nioqqutinillu nalittorsaanissamut pisinnaatitsissummik qinnuteqarsimavoq, taamaakkaluartorli naleqarnerulersitsinngitsumik nioqqutissat nunatsinniit annissornerqarneranut ernummatini ersersissimallugit. Pingaaruteqarpoq Naalackersuisut ernummatit taakkartorneqartut pimoorullugit tigussagaat suliassaassasullu pisariallit piviusunngorsarlugit suliffeqarfiit iluatsitsinissaat aamma Kalaallit Nunaata aningaasaqarnikkut soqutigisaat qulakkeerumallugit.

Taamaattumik Naalackersuisut aatsitassarsiorfiit Luminatut ittut tapersersornissaat pisariaqarpoq, aningaasaliisussarsiorsinnaaneq pitsanngorsarlugu kiisalu ersarinnerusunik naammassiuminarsakkanillu allaffissornikkut ingerlaatsinik pilersitsillutik.

Apeqqutigineqartut ullut suliffiusut qulit iluanni akeqquneqarput.

(Oversat – ved tvivlsspørgsmål er den danske version gældende)